

Ex avium volatura, foliorumve casu tuum adventum suspicatus, lectum ador- Cant. 11.
nat, viamque tuam oculis dubitantibus perlustrat; manet ille in Yamunae ripa, 10.
molliter ventilata, in silva, silvestribus floribus coronatus.

Remove sonoram compedem inconstantem, tanquam hostem amoris prodito- 11.
rem; festina, o amica, ad umbraculum, tenebris cumulatam, pallium indue
fuscum; manet ille in Yamunae ripa, molliter ventilata, in silva, silvestribus flori-
bus coronatus.

Pectori Krishnae, baccarum hypothymiade ornato, infusa, quasi nubilo, ca- 12.
tervis gruum circumvolitato, fulmen, splendebis, o flava, ^{rati vharita} in inversa venere, o tu
quae adepta es praemium bene factorum; manet ille in Yamunae ripa, molliter
ventilata, in silva, silvestribus floribus coronatus.

In toro floreo | femur, indusio elapsum, | cesto solutum, impositum imperti 13.
ei, cuius oculi nymphaeas referunt, tanquam thesaurum, gaudiorum promum;
manet ille in Yamunae ripa, molliter ventilata, in silva, silvestribus floribus
coronatus.

Hares impatiens est, etiam haec quae nunc est, nox desinet; age, morem 14.
gere meo sermoni, exple desideria Murâris festinabunda profectione; manet
ille in Yamunae ripa, mollitur ventilata, in silva, silvestribus floribus coronatus.

Dum loquitur Jayadêvas, Haris adorator, verba summopere delectabilia, 15.
salutate cordibus hilaribus Harem longe misericordissimum, bene factis amandum;
manet ille in Yamunae ripa, molliter ventilata, in silva, silvestribus floribus
coronatus.

Multa ducit suspiria, plagas coram iterum iterumque contemplatur, umbra- 16.
culum saepe intrat murmurans, multum languet, saepe lectum adornat, pertur-
batis oculis saepe circumspicit, | amoris cruciatu tabidus, o amata, amasius tuus
versatur.

Una cum tua perversitate acer solis radius occasu sit absconditus; una 17.
cum desiderio Govindae advenit tenebrarum densitas; exhortatio mea, gravi
modulo adaptata, similis est lugubri Chakravakarum avium clamori; ideo, o im-
provida, infructuosa est cunctatio; ecce iucundum adest momentum amasii se-
quendi.

Post amplexum, post osculationem, post scalpturam unguiculis factitatam, 18.
post excitationem cupidinis, post festinationem, post inchoatam voluptatem,
quodnam laetitiae pudore temperatae genus | tenebris non carpitur a maritis, in-
vicem sese amantibus, | ad alias res allectis, | cupide iterum congregatis, ser-
mocinatione sese recognoscentibus.